

飴山堂詩文集

冊二

鮑山詩集卷之十

青州趙執信

葑溪集 古律雜歌詩六十五首

微山湖舟中作

舟前湖泱潏湖上山橫斜湖中何所有千頃秋荷花山雨颯然來風
香浩無涯移丹青紅端飄若凌綺霞林光村遠近樓影帆交加疑是
桃花源參差出人家流覽情所喜避地想更佳何必博望侯虛無乘
海槎

山陽題李學士惺齋歸釣圖

李侯抱微尚汨沒金馬門手持史臣筆夢爲漁父竿

天子不聽還益復崇其官入直殊蕭散退食乃吟歎釣臺歸老計挂
口二十年於今欣得遂忽若籠鶴翻舊侶復相逢清淮照病顏高官
不可見但見白鬚繁顧笑韓淮陰遺墟亦荒烟信知黃閣尊何如秋

水便我雖山中客屢刺江上船君其釣白魚來往爲我餐

碧波行

高郵

碧波吞日斜紅淺湖暝天低覺秋遠行舟欲泊何處投一線堤烟萬家滿遙村近郭人無餘相將草草堤上居猶爭堤前一寸水且免一日湖中魚天公不檢驕龍怒偏向此邦夜行雨眼看無地可容波終恐平沉赴江去連江千里號悲風無由吹入長楊宮翠華春日此徘徊何不却趁清秋來

暮雨過召伯鎮泊揚州

風起鸛鵝鳴高帆縱暮程湖翻遙海勢雨挾晚秋聲衰鬢二年客荒烟六代城清宵十里郭留月向誰明

雨中過查編修德尹

嗣璫

寓齋楊編修崑木

中訥

亦至小飲志

別二首

二君皆在詩館

憶別塵埃裏重逢江海間我來先落葉君舍似深山松桂雨中綠書

琴秋日閒廿年一樽酒新照鬢毛斑

楊子翩然至相看淚轉揮九原知己盡四海故人稀騷雅時方盛漁樵道未非悲欣付酣醉岐路各翻飛

端木先公少司馬余座主也去歲新逝

寄曹荔軒

寅

使君真州

聞道高樓臨水起使君坐臥此樓間帆檣競作魚龍戲賓客空和燕雁還唐代精靈應有屬

曹實司詩館

清秋烟月肯教閒遙憐解帶銜杯裏收取江南幾許山

題顧黃公

景星

先生不上船圖

青蓮居士李謫仙醉倒天子妃子前夢中狼籍作嚙語已入簫韶壓管絃長安市上酒家眠沉香亭畔何殊焉少陵野老眼狹小歌詠生憎不上船近代詞臣那敢爾禮法拘牽才委靡黃公詩骨高嶙峋史官如雨不著身雄才狂醉空自信餘事青蓮恐笑人丹青闌作青蓮貌或是前身那可料人生詎得總榮華我輩故應長潦倒江東酒濃

秋色暮太息黃公會飲處不見

聖朝愛士過唐明詩人千里隨

船行

江上阻風

放舟下瓜步江遠海天逼初曦將宿陰繚繞絢秋色林聲發驚響野
水動平碧風從東南來欲蕩刊溝直新潮復大上急雨更交射徒聞
捩舵勤進寸退乃尺屢因欹岸轉漸與頽波卽心豁津樹橫目懾洲
烟坼中流本雄曠足逞馮夷力雷霆無節奏龍怪有跳躑是時凭舷
人快意危疇昔翻思造化功不在通南北濤瀾可恆怒舟楫願終隔
截然燥濕分倏爾往來息土風不相移民患從茲釋天聽方喧脰長
謠竟何益

渡江舟中示兒孫

海日江烟弄曉晴漁舟斜引亂帆輕舊遊如醉三年覺豪氣和潮一
昔平勳業已甘充水手兒童但解問山名豈知搖落西風候庾信頻

來賦未成

雨泊虎邱

十里浮圖影三年舴艋舟溪山總相識風雨復遮留烟樹空波暝秋

燈小肆幽橋邊憶斟酌遣夢與同遊

虎邱有斟酌橋

小舟沿葑溪至李萊嵩

胸

使君別業對飲話舊知王南村亦客

此二首

秋水迷城郭悠然小艇來碧溪新結屋端爲故人開桐竹細含雨軒窗虛照苔心情無恙在未減昔銜杯

寒日傳書遠

去冬使君以書見招于天津

江天鼓棹遲祇緣憂俯仰豈敢避旌旗

迹已飄蓬慣身從道瑾遺

山左比歲大饑人相食

年來問生事賸被子猷知

與南村及陸生萊臣

安期

話津門昨事感懷四首

去年俱客於彼

荷香澹泊月無情金谷樓危逼太清誰向九天傳一笑人間始信有傾城

人去朱門事事空
堂間蠟淚帶塵紅
啼鳥與喚圓扉月
莫遣笙歌赴夢中

地當滄海易揚塵
世半交遊但愴神
從此令人輕郭解
黃金散盡不關身

怕逢酒伴說歡場
花月參差又一鄉
君去江頭見陽雁
應憐猶帶北來霜

新晴與南村及張超然

遠

暫過虎邱

虎邱好秋月我來逾所聞
正當積雨晴亭午烟景新
寺門畫舸集冶遊何繽紛
顧笑萬衆中有此三數人
櫛比見華館喧闐羅芳樽
竹樹酒炙叢水石紅粉春
云方初弦時歌管鬱未陳
預愁三五夜客夢驚心魂
臨高野四望歷歷多松雲
何人赴幽賞惟有清遠君
因知習俗古彌感氣象尊
迴棹同所適月明白鳥羣

中秋與南村泛舟石湖望月

王郎與我能無愁客中放棹尋清秋清秋了知在何許且遠城市辭
歌謳胥江水洗天宇淨片帆輕駛如星流橫塘西去見山影蒼翠豁
露霜煙收楞伽靈巖兩迎揖此中安得無夷猶湖光一曲縈我舟與
子呼酒相勸酬以湖爲酒恣拍浮須臾湖月忽晃漾照暎天上白玉
樓鬚眉蕭颯風颼颼飄然疑墜海外洲却視人世真蜉蝣我已一身
隨落葉子亦一官成贅疣不見吳越俱荒邱魚城酒城何處求伍胥
種蠡同浮漚惟有石湖湖上月曾照石湖居士遊西施溪畔餘溫柔
坐中微笑寒花羞子旣醉矣我未休迴颿撾急不可留夙昔中秋有
此不令我却憶西湖頭

月下攜妓登彩雲橋東望城中燈火

登橋覺月近月色白于銀倒寫橋下水併照橋上人笑語豔深夜羣
屐交清新望見闔閭城燈火疑始春散亂螢火羣稠疊魚龍鱗衆星
不復輝氣燄蒸赤雲輝赫能幾時變滅紛在眼坐知霜露多肯負壺

觴滿遠更忽斷續危石久偃蹇美目逐月流羅衣信風卷欲去仍徘徊老子興不淺長嘯懷謝公去人何必遠

贈朱竹垞

時寓居慧慶寺三年矣

失喜君猶健明燈語夜闌禪枯容客久勢熱託交難詩已窮無敵天教老未安才賢滿江上顛顚此相看

送南村北上將赴吏議

薊門秋色接江南搖落心情只共諳異地頻逢真偶爾比年相送復何堪空餘楚客臨寒水誰向秦壘贈左驂前路江河正奔注沉吟短棹莫輕探

又戲贈二絕句

棹咽離聲不可聞空囊何計貯行雲女墳湖上秋風裏無限橫波總爲君

春夢無端傍翠微秦簫吹徹鳳將飛可能烟雨樓頭問前此何人怨

晚歸

小舟曉入閩門至葑溪口號四首

閩門進船處星沒遠雞鳴舟子暗相喚遙分蕩漿聲
太陽欲上時比戶人未起一點曉光鮮先落儂船裏
皋橋猶衆橋豈有雲虹駕苦爲梁伯鸞低頭出其下
燕壘向空懸蜂窠臨水聚小門一一關不辨垂竿處

九日石湖

前日石湖氣澄澈惟照碧山與明月今日石湖勢紛綸長篙短楫多
於人我過橫塘沽斗酒欲與鳬鷗作重九中流且去恣逍遙月來人
散湖蕭蕭

月夜重過彩雲橋口占

湖山索寞夜迢迢霜信風中酒易消還是秋來可憐月照人獨上彩
雲橋

送遜發舟北返

漸老情懷劇耐秋暮寒掩抑獨臨流從今夜夜還家夢一半分將傍
汝舟

偶過滄浪亭十二韻

間闊滄浪甚閒行一暫窺簷楹晴日好荷芰晚秋衰徑入延緣仄池
懸略約危新亭芳宴數舊物石枰疑勝豈東南盡花將富貴移每聞
呵殿至轉恐鷺鷥知憶把松枝塵會通藥石規風流寧足競誕傲竟
何辭蜀國登牀日樊川索笑時由來主壇坫不在倚旌麾蕪沒都官
渡蒼涼刺史祠九京呼子美相賞詎關詩

蘇州府學雜題四絕句

南園千畝任流螢誰爲王家更勒銘一種迎春與消暑

皆錢氏時人
亭臺名

贍上道山亭

學中士
山名

五柳風流自得師爭教劉白敢同時木蘭堂裏分明道千古清香屬

左司

韋公祠

合向宮牆廁一隅廿年遺愛倍霑濡後來好事思鄰並却是千金買

得無

湯公書院

短籬破屋廣文貧竹徑蔬畦野客親落日西風聞鼓角披襟無限庾公塵

飲泮池木芙蓉畔贈學博士

微霜入紅萼臨水色更好不以地閒澹遂使意枯槁清樽戀池上皓月窺林表秋靜夜澄明與君展懷抱

師子林贈主人張籲三

士俊

高亭擅一邱怪石擁四面坐疑夏雲起顧覺秋山亂初窺惟豁訝漸歷有登踐區分磽壑成徑紆尺咫變深洞轉地中飛梁出簷畔前行鳥投巢後至狖緣棧峯巒入衣袖松桂吹霜霰猶被元時苔復充目前玩我本巖穴士繭足攀躋慣羨爾市廛居閉門恣幽竄

又絕句

才華敢擬鹿門生
佳士相看合有情
滿屋藏書滿庭石
如君便是二遊并

出郭

扃戶坐烟水
不知秋已深
偶然浮小艇
出郭見霜林
初日照溪色
微風吹棹音
試於清絕處
聊繫欲歸心

夜抵常熟宿攬秀東軒感懷

庚辰省故座主翁大司寇留止兩月秋暮辭歸遂爲永訣壬午夏暫

至不宿此軒

華燭清樽識鬢霜
重來又過五重陽
馬公禮樂空相付
陸氏田園已盡荒
東閣郎君還下榻
西州義故獨霑裳
黃花零落和寒雨
憶引彭宣到後堂

虞山有吾谷谷中楓林甚盛將往觀而諸子請俟明日余不可
遂載酒遊焉夜歸輒雨迨曉彌甚爲長句簡同遊者

楓林蕭森新得霜
虞山佳處雲錦張
昨來拏舟隔十里
暝色爲我開
縑黃晨朝故人許
鄉導舉趾倏欲從
風翔臨行胡然有
改計道傍築
舍空迴遑郭門西
去不五里詎要卜
吉仍春糧勝境到
眼棄不取山
靈應笑癡非狂
烟溪一棹櫂谷口
幽徑頓入秋茫茫
萬夫羅列何岑
嶺亂霞飛墮紛披
猖丹砂翠羽不可
別交枝動影爭斜
陽何年高人
參造化手植巨麗
留山岡青女有情
妙點染慘澹恥與
春顏頤我曹
寄身殊恍忽絳宮
碧落仙人鄉同來
少長數得七潦倒
誰是籍與康
中林纍纍見邱墓
對此安得辭壺觴
昏夜呼火照豪舉
燈燭暎樹收
光芒醉歸揮手興
未盡後期一昔寧
荒唐東軒靜臥雨
驚夢猶疑落
葉投匡牀天明起
坐忽自笑始願若
失今難償人生快
意及旦暮莫
令事過徒感傷諸
君畏濕幸不出他
時秋雨無相忘

對雨憶破龍澗呈王西澗

材任同年近卜居
虞山

絕澗實泓崢剝境亦幽異
松風橋上下客夢時一至
將老子已營暫

往我未遂最憶石上苔晶瑩點寒翠

胥江曉泛有懷南村

寒烟漠漠曙江平柔艣何心有送迎
忽憶隔窗人草草渡頭和月喚
船聲

古意

桐枯竹不實鳳凰當奈何未免下飲啄
山顛水之涯偶耽弄玉簫來
集秦人家曲罷會飛去飄颻凌紫霞
衆禽不相知謂是投網羅鳴噪
遂騰沸毛羽紛矜誇遐哉阿閣巢
昔遊竟蹉跎或因擊拊儀豈可增
弋加鴟嚇斥鷃笑寄言兩俱訛
天高海茫茫相遭固無多

寒夜與張漢瞻

雲章

食蟹

葑溪公子排寒來風味乃出太湖上

蟹卽城外池中出

登盤乍晃赤玉光入

手猶驚怪石狀金膏雪膾與口宜把酒持螯覺神王竹林飲戶竟參

差稷下談鋒互雄長

張不飲

燈前爾雅再三讀明日懸知各無恙莫將

羊酪調茂弘定有魚牋酬魯望

數過前長洲令陳燮公

治策

僑寓園池二首

彭澤何須去桐鄉定可居高蹤三徑水長物一牀書故吏教賒酒寒
畦自擷蔬慚君謬恭敬猶爲病相如

相近門如對頻來鶴亦親霜池空暝月板屋小宜人僮僕形骸忘
交情放廢真江東舉杯侶誰復似陳遵

雨中與燮公同舟過萬里橋

久客閒故佳微雨出不厭舟如鳧孤躍人與萍同泛曉溪呈宿淨霜
葉送餘豔棹意入烟輕山姿向寒斂深情屬促膝狂興引掀髯雲重
喜爐明風嚴知酒醺人生快朋儔流落何足念萬里起船頭蒼茫詎
能纜

秋憩軒贈海寧陳副使傅岩

世安

幸自成中隱於人息外求前榮虛受日小沼淨涵秋有子續書卷留

賓分酒籌逍遙君已領鵬鷗任同遊

翁雲木餉酒及鳧

翁名標居
洞庭東山

我聞東西山下臨三萬頃人參水仙居地與洞天併常通縹緲夢虛

對明月影欲往畏風濤

今冬湖水大上

披圖但引領君過詫靈勝比日聽清

省俾來致醇醪一啜得雋永慧山光自隱南潯氣莫逞恐是林屋開

瓊液漏塵境殘燈共微酣竟夕失孤冷更見素盤中珍禽燦雙頸身

手鬱未試口腹默已幸終擬縱幽探况煩屢勤請春波帶冰消烟棹

當風整期君梅花時香雪滿諸嶺

問訊傅岩臥疾

酒闌曾憶共憑闌池上蕭蕭惹暮寒乍可藏身耽屋煖未容伏枕送

冬殘遙憐翠袖如雲侍時放清眸似電看

陳多姬侍

廡下故人空弔影待

君強起勸加餐

與史生升衢

金蹕

對酒話京師舊事